

# [Poesias]

Autor(en): **Candinas, T.**

Objektyp: **Article**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **25 (1951)**

PDF erstellt am: **27.07.2024**

Persistenter Link: <https://doi.org/10.5169/seals-881374>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

5. prau (treifegl e pastg)
6. prau (pastg e treifegl)
7. prau     "
8. prau     "

5. prau
6. prau
7. prau
8. prau

Nus prendein adina salin avon che dumiec, demai che la salin ei fetg sensibla encunter malsognas contagiusas. Ella drova ina tiara cun forza. Perquei preferin nus ella suenter ils truffels, nua che nus havein engarschau bravamein.

Il dumiec tschenta grondas pretensiuns ell'alimentaziun e smagriescha bravamein la tiara. Nus engarschein lu ils emprems onns de fein bravamein e dein gl'atun ina pulita dosa «Thomasmehl». Cheutras preferin nus il treifegl e sigerein gia ils emprems onns bunas raccoltas de fein.

Nus capin l'antipathia, che nos purs han encunter il praus semnai en.

Il sem de fein ei cars e nus savein buca garantir ch'ei gartegi.

Nus recumandein denton ina mischeida de 30% treifegl (15% Bastardklee e 15% Schottenklee) e 70% pastg (15% Fromenthal, 15% Timotte, 15% Fioringras, 15% Wiesenschwingel e 10% Goldhafer).

Era en nossas muntognas ston ils purs sendisar de setener vid in pèr reglas concernent il midar fretg. Igl ei evident che nus vegnin buc a riva de far subdita la natira a nos plans. Nus stuein mo sespruar d'influenzar ella e gudignar ella per nus.

— \* —

## *Matg*

Schi lunsch sco gl'egl camina  
segeinan tgaus de flurs  
en l'unda vespertina  
senclinan devozius.

\*

E tscheu e leu s'entarda  
il vent per contemplar . . .  
svanescha e sespiarda,  
sto vinavon suflar, girar — —

T. Candinas

## *Lavur cumina*

(a mes cars convischins)

Tgei sestauscha la bargada  
sin cadruvi vid la tabla?  
Ha'l gerau sco usitau  
firlefanzas publicau?

\*

Gl'ei in scret ded outra tempra,  
screts a maun cun gronda stenta  
dal cassier de vischinadi,  
in puranchel stagn glienadi,  
che sa pli bein far o lenna  
che menar beinschit la plema.

\*

E cun letras sc'in sughet  
dat el part: mundar pustget.  
Gleiti tut che va a casa  
incantaus dell'avisada,  
leu concluda finadin  
de schar ir il beniamin.

\*

Gliendisdis lu veramein  
ves'ins mond pupratschamein  
tut la schenta invalida,  
malsanetscha, malcarschida.

\*

Tscheu in vegl e leu in ziep  
ed il til vegn gronds cun ried.  
Plaun, plaunet la schenta stria  
rabitschad'ei sin pastira.

\*

Finalmein cun ditg uglier  
els entscheivan a luvrar:  
Tgi cun petg e tgi cun pala,  
tgi cun faultsch, tgi cun sadiala,  
fa mintgin tenor camond  
la lavur schemend . . . cantond!

\*

Prest compara il suprem,  
dils presents notizia pren,  
va entuorn a spiunond,  
cumandond e criticond.

\*

Plaunsiu el s'allontanescha . . .  
ussa tut che smarschanescha.  
Quels fan pauc e tschels fan nuot,  
schaian marschs osum in muot.

\*

Uras en ed uras o  
fan ei nuot mirond ano . . .  
cu'l cassier lu s'avischina  
finadin bein sefestgina.

\*

Arrivaus el pren investa  
dil prestau, til'o la gliesta  
de lavur e compareglia  
cun il plan che bia cumpeglia,  
va entuorn scurlond il tgau  
malcuntents cun il prestau.

\*

Va tier quel e va tier tschel,  
dond la cuolpa mo ad el.  
Da vilau ord sac el tila  
sia ura e sevila:  
Tgei! las dudisch eis ei gia . . .  
mei smarschuns, mei a gientà.

T. Candinas